


阿旺嘉措金刚上师祈愿

社 会 大 和 谐

民 族 大 团 结

世 界 大 和 平

修 行 大 圆 满



目 录

金刚般若波罗蜜经	4
般若摄颂	31
文殊真实名经	83
文殊真实名经的功德利益	111
大回向偈	121



南无龙树菩萨



南无须菩提尊者

发菩提心文 (三遍)

诸佛妙法众中尊
乃至菩提我皈依
我行施等诸资粮
为度众生愿成佛

开经偈 (三遍)

无上甚深微妙法
百千万劫难遭遇
我今见闻得受持
愿解如来真实义

金刚般若波罗蜜经

姚秦三藏法师鸠摩罗什译

如是我闻。一时佛在舍卫国，^(qí) ^(jì)祇树给孤独园，与大比丘众千二百五十人俱。尔时世尊食时，着衣持钵，入舍卫大城乞食。于其城中，次第乞已，^(huán)还至本处。饭食讫，收衣钵，洗足已。^(fū)敷座而坐。

时长老须菩提，在大众中，即从座起，偏^(tǎn)袒右肩，右膝着地，合掌恭敬，而白佛言：希有世尊！如来善护念诸菩萨，善付嘱诸菩萨。世尊，善男子善女人，发阿耨多罗三藐三菩提心，应云何住？云何^(xiáng)降伏其心？佛言：善哉，善哉。须菩提，如汝所说，如来善护念诸菩萨，善付嘱诸菩萨。汝今谛听，当为汝说。善

男子善女人，发阿耨多罗三藐三菩提心，应如是住，如是降伏^(xiáng)其心。唯然，世尊^(yào)，愿乐欲闻。

佛告须菩提：诸菩萨摩訶萨，应如是降伏其心。所有一切众生之类，若卵生、若胎生、若湿生、若化生，若有色、若无色，若有想、若无想、若非有想非无想，我皆令入无余涅槃而灭度之。如是灭度无量无数无边众生，实无众生得灭度者。何以故？须菩提，若菩萨有我相、人相、众生相、寿者相^(jī)，即非菩萨。

复次，须菩提，菩萨于法，应无所住行于布施，所谓不住色布施，不住声香味触法布施。须菩提，菩萨应如是布施，不住于相。何以故？若菩萨不住相布施，其福德不可思量。

须菩提，于意云何？东方虚空可思量不？不
(fǒu) (fú)
也，世尊。须菩提，南西北方、四维上下虚
(fǔ) (fú)
空，可思量不？不也，世尊。须菩提，菩萨无
住相布施，福德亦复如是不可思量。须菩提，
菩萨但应如所教住。

须菩提，于意云何？可以身相见如来不？
(fú)
不也，世尊，不可以身相得见如来。何以故？
如来所说身相，即非身相。佛告须菩提：凡所
有相，皆是虚妄。若见诸相非相，即见如来。

须菩提白佛言：世尊，颇有众生，得闻如
(fǒu) (fó)
是言说章句，生实信不？佛告须菩提：莫作是
说，如来灭后，后五百岁，有持戒修福者，于
此章句，能生信心，以此为实，当知是人，不
于一佛二佛三四五佛而种善根，已于无量千万

佛所，种诸善根。闻是章句，乃至一念生净信者，须菩提，如来悉知悉见，是诸众生，得如是无量福德。何以故？是诸众生，无复我相、人相、众生相、寿者相，无法相，亦无非法相。何以故？是诸众生，若心取相，即为着我、人、众生、寿者；若取法相，即着我、人、众生、寿者。何以故？若取非法相，即着我、人、众生、寿者。是故不应取法，不应取非法。以是义故，如来常说，汝等比丘，知我说法，如筏喻者，法尚应舍，何况非法。

须菩提，于意云何？如来得阿耨多罗三藐三菩提耶？如来有所说法耶？须菩提言：如我解佛所说义，无有定法名阿耨多罗三藐三菩提^(nòu)，亦无有定法如来可说。何以故？如来所说

法，皆不可取，不可说，非法、非非法。所以者何？一切贤圣，皆以无为法而有差别。

须菩提，于意云何？若人满三千大千世界七宝，以用布施，是人所得福德，宁为多不？^(fǒu)
须菩提言：^(shèn)甚多，世尊。何以故？是福德即非福德性。是故如来说福德多。若复有人，于此经中受持，乃至四句偈等，^(jì)为他人说，其福甚彼。何以故？须菩提，一切诸佛及诸佛阿耨多罗三藐三菩提法，皆从此经出。须菩提，所谓佛法者，即非佛法。

须菩提，于意云何？须陀洹^(huán)能作是念，我得须陀洹果不？须菩提言：^(fù)不也，世尊。何以故？须陀洹名为入流，而无所入，不入色声、香味触法，是名须陀洹。须菩提，于意云何？

斯陀含能作是念，我得斯陀含果不？^(fǒu) 须菩提
言：不也，世尊。何以故？斯陀含名一往来，
而实无往来，是名斯陀含。须菩提，于意云
何？^(nuò) 阿那含能作是念，我得^(nuò) 阿那含果不？须菩
提言：^(fú) 不也，世尊。何以故？阿那含名为不
来，而实无不来，是故名阿那含。须菩提，于
意云何？阿罗汉能作是念，我得阿罗汉道不？
须菩提言：不也，世尊。何以故？实无有法名
阿罗汉。世尊，若阿罗汉作是念，我得阿罗汉
道，即为着我、人、众生、寿者。世尊，佛说
我得^(zhèng) 无诤三昧，人中最为第一，是第一离欲阿
罗汉，世尊，我不作是念，我是离欲阿罗汉；
世尊，我若作是念，我得阿罗汉道，世尊则不
说须菩提是乐阿兰那行者。以须菩提实无所^(yào) ^{(nuǒ)(hèng)}

行，而名须菩提，是乐阿兰那行。^(yào) ^(nuǒ)

佛告须菩提：于意云何？如来昔在然灯佛所，于法有所得不？不也，世尊。如来在然灯佛所，于法实无所得。须菩提，于意云何？菩萨庄严佛土不？不也，世尊。何以故？庄严佛土者，即非庄严，是名庄严。是故须菩提，诸菩萨摩訶萨，应如是生清净心，不应住色生心，不应住声香味触法生心，应无所住而生其心。须菩提，^(pì)譬如有人，身如须弥山王。于意云何？是身为大不？须菩提言：甚大，世尊。何以故？佛说非身，是名大身。

须菩提，如恒河中所有沙数，如是沙等恒河，于意云何？是诸恒河沙宁为多不？^(nìng)须菩提言：甚多，世尊。但诸恒河，尚多无数，何况

其沙！须菩提，我今实言告汝，若有善男子善女人，以七宝满尔所恒河沙数三千大千世界，以用布施，得福多不？须菩提言：甚多，世尊。佛告须菩提：若善男子善女人，于此经中，乃至受持四句偈等，为他人说，而此福德，胜前福德。

复次，须菩提，随说是经，乃至四句偈等，当知此处，一切世间天人阿修罗，皆应供养，如佛塔庙。何况有人，尽能受持读诵。须菩提，当知是人，成就最上第一希有之法。若是经典所在之处，即为有佛，若尊重弟子。

尔时，须菩提白佛言：世尊，当何名此经？我等云何奉持？佛告须菩提：是经名为金刚般若波罗蜜，以是名字，汝当奉持。所以者

何？须菩提，佛说般若波罗蜜，即非般若波罗蜜，是名般若波罗蜜。须菩提，于意云何？如来有所说法不？须菩提白佛言：世尊，如来无所说。须菩提，于意云何？三千大千世界所有微尘，是为多不？须菩提言：甚多，世尊。须菩提，诸微尘，如来说非微尘，是名微尘。如来说世界，非世界，是名世界。须菩提，于意云何？可以三十二相见如来不？不也，世尊。不可以三十二相得见如来。何以故？如来说三十二相即是非相，是名三十二相。须菩提，若有善男子善女人，以恒河沙等身命布施，若复有人，于此经中，乃至受持四句偈等，为他人说，其福甚多。

尔时，须菩提闻说是经，深解义趣，涕泪

悲泣，而白佛言：希有世尊，佛说如是甚深经典，我从昔来所得慧眼，未曾得闻如是之经。世尊，若复有人，得闻是经，信心清净，则生实相。当知是人，成就第一希有功德。世尊，是实相者，则是非相，是故如来说名实相。世尊，我今得闻如是经典，信解受持，不足为难，若当来世，后五百岁，其有众生，得闻是经，信解受持，是人则为第一希有。何以故？此人无我相、无人相、无众生相、无寿者相。所以者何？我相即是非相，人相、众生相、寿者相，即是非相。何以故？离一切诸相，则名诸佛。佛告须菩提：如是，如是。若复有人，得闻是经，不惊不怖不畏，当知是人，甚为希有。何以故？须菩提，如来说第一波罗蜜，即

非第一波罗蜜，是名第一波罗蜜。须菩提，忍辱波罗蜜，如来说非忍辱波罗蜜，是名忍辱波罗蜜。何以故？须菩提，如我昔为歌利王割截^(jié)身体，我于尔时，无我相、无人相、无众生相，无寿者相。何以故？我于往昔，节节支解时，若有我相、人相、众生相、寿者相，应生^(chēn)嗔恨。须菩提，又念过去于五百世作忍辱仙人，于尔所世，无我相、无人相、无众生相、无寿者相。是故须菩提，菩萨应离一切相，发阿耨多罗三藐三菩提心，不应住色生心，不应住声香味触法生心，应生无所住心。若心有住，则为非住。是故佛说菩萨心不应住色布施。须菩提，菩萨为利益一切众生故，应如是布施。如来说一切诸相即是非相，又说一切众

生即非众生。须菩提，如来是真语者、实语者、如语者、不诳语者、不异语者。^(kuáng)须菩提，如来所得法，此法无实无虚。须菩提，若菩萨心住于法而行布施，如人入暗，则无所见；若菩萨心不住法而行布施，如人有目，日光明照，见种种色。须菩提，当来之世，若有善男子善女人，能于此经受持读诵，则为如来以佛智慧，悉知是人、悉见是人，皆得成就无量无边功德。

须菩提，若有善男子善女人，初日分以恒河沙等身布施，中日分复以恒河沙等身布施，后日分亦以恒河沙等身布施，如是无量百千万亿劫以身布施；若复有人，闻此经典，信心不逆，其福胜彼。何况书写受持读诵，为人解

说，须菩提，以要言之，是经有不可思议、不可称量、无边功德，如来为发大乘者说、为发最上乘者说。若有人能受持读诵，广为人说，如来悉知是人、悉见是人，皆得成就不可量、不可称、无有边、不可思议功德。如是人等，则为荷担如来阿耨多罗三藐三菩提。何以故？须菩提，^(yào)若乐小法者，着我见、人见、众生见、寿者见，则于此经不能听受读诵、为人解说。须菩提，在在处处，若有此经，一切世间天人阿修罗所应供养，当知此处，则为是塔，皆应恭敬、作礼围绕，以诸华香而散其处。

复次，须菩提，善男子善女人受持读诵此经，若为人轻贱，是人先世罪业，应堕恶道，以今世人轻贱故，先世罪业，则为消灭，当得

阿耨多罗三藐三菩提。须菩提，我念过去无量
(qí)(jié)
阿僧祇劫，于然灯佛前，得值八百四千万亿那
由他诸佛，悉皆供养承事，无空过者。若复有
人，于后末世，能受持读诵此经，所得功德，
于我所供养诸佛功德，百分不及一，千万亿分
乃至算数譬喻所不能及。须菩提，若善男子善
女人，于后末世，有受持读诵此经，所得功
德，我若具说者，或有人闻，心则狂乱，狐疑
不信。须菩提，当知是经义不可思议，果报亦
不可思议。

尔时，须菩提白佛言：世尊，善男子善女
人发阿耨多罗三藐三菩提心，云何应住？云何
(xiáng)(fú)
降伏其心？佛告须菩提：善男子善女人发阿耨
多罗三藐三菩提心者，当生如是心，我应灭度一

切众生，灭度一切众生已，而无有一众生实灭度者。何以故？须菩提，若菩萨有我相、人相、众生相、寿者相，即非菩萨。所以者何？须菩提，实无有法发阿耨多罗三藐三菩提心者。须菩提，于意云何？如来于然灯佛所，有法得阿耨多罗三藐三菩提不？不也，世尊。如我解佛所说义，佛于然灯佛所，无有法得阿耨多罗三藐三菩提。佛言：如是，如是。须菩提，实无有法如来得阿耨多罗三藐三菩提。须菩提，若有法如来得阿耨多罗三藐三菩提者，然灯佛则不与我授记：汝于来世当，得作佛，号释迦牟尼，以实无有法得阿耨多罗三藐三菩提，是故然灯佛与我授记，作是言：汝于来世当得作佛，号释迦牟尼。何以故？如来者，即

诸法如义。若有人言，如来得阿耨多罗三藐三菩提。须菩提，实无有法佛得阿耨多罗三藐三菩提。须菩提，如来所得阿耨多罗三藐三菩提，于是中无实无虚，是故如来说一切法皆是佛法。须菩提，所言一切法者，即非一切法，是故名一切法。须菩提，譬如人身长大。^(cháng)须菩提言：世尊，如来说人身长大，^(cháng)则为非大身，是名大身。须菩提，菩萨亦如是，若作是言：我当灭度无量众生，则不名菩萨。何以故？须菩提，实无有法名为菩萨。是故佛说一切法无我、无人、无众生、无寿者。须菩提，若菩萨作是言：我当庄严佛土。是不名菩萨。何以故？如来说庄严佛土者，即非庄严，是名庄严。须菩提，若菩萨通达无我法者，如来说名

真是菩薩。

須菩提，于意云何？如來有肉眼不？如是，世尊，如來有肉眼；須菩提，于意云何？如來有天眼不？如是，世尊，如來有天眼；須菩提，于意云何？如來有慧眼不？如是，世尊，如來有慧眼。須菩提，于意云何？如來有法眼不？如是，世尊，如來有法眼；須菩提，于意云何？如來有佛眼不？如是，世尊，如來有佛眼；須菩提，于意云何？如恒河中所有沙，佛說是沙不？如是，世尊，如來說是沙；須菩提，于意云何？如一恒河中所有沙，有如是沙等恒河，是諸恒河所有沙數佛世界，如是寧為多否？甚多，世尊。佛告須菩提：爾所國土中所有眾生若干種心，如來悉知。何以故？

如来说诸心皆为非心，是名为心。所以者何？
须菩提，过去心不可得，现在心不可得，未来
心不可得。

须菩提，于意云何？若有人满三千大千世
界七宝以用布施，是人以是因缘，得福多不？
如是，世尊，此人以是因缘，得福甚多。须菩
提，若福德有实，如来说得福德多，以福德
无故，如来说得福德多。

须菩提，于意云何？佛可以具足色身见
不？不也，世尊，如来不应以具足色身见。何
以故？如来说具足色身，即非具足色身，是名
具足色身。须菩提，于意云何？如来可以具足
诸相见不？不也，世尊。如来不应以具足诸相
见。何以故？如来说诸相具足，即非诸相具

足，是名诸相具足。

须菩提，汝勿谓如来作是念，我当有所说法，莫作是念。何以故？若人言如来有所说法，即为谤佛，不能解我所说故。须菩提，说法者无法可说，是名说法。尔时，慧命须菩提^(pō)白佛言：世尊，颇有众生，于未来世闻说是法，生信心不？佛言：须菩提，彼非众生，非不众生。何以故？须菩提，众生众生者，如来说非众生，是名众生。

须菩提白佛言：世尊，佛得阿耨多罗三藐三菩提，为无所得耶？佛言：如是，如是。须菩提，我于阿耨多罗三藐三菩提，乃至无有少法可得，是名阿耨多罗三藐三菩提。

复次，须菩提，是法平等，无有高下，是

名阿耨多罗三藐三菩提。以无我、无人、无众生、无寿者，修一切善法，即得阿耨多罗三藐三菩提。须菩提，所言善法者，如来说即非善法，是名善法。

须菩提，若三千大千世界中所有诸须弥山王，如是等七宝聚，有人持用布施，若人以此般若波罗蜜经，乃至四句偈等，受持读诵，为他人说，于前福德，百分不及一，百千万亿分，乃至算数譬喻所不能及。

须菩提，于意云何？汝等勿谓如来作是念，我当度众生。须菩提，莫作是念。何以故？实无有众生如来度者，若有众生如来度者，如来则有我、人、众生、寿者。须菩提，如来说有我者，则非有我，而凡夫之人，以为

有我。须菩提，凡夫者，如来说即非凡夫，是名凡夫。

须菩提，于意云何？可以三十二相观如来不？须菩提言：如是，如是，以三十二相观如来。佛言：须菩提，若以三十二相观如来者，转轮圣王即是如来。须菩提白佛言：世尊，如我解佛所说义，不应以三十二相观如来。尔时世尊而说偈言：若以色见我，以音声求我，是人行邪道，不能见如来。

须菩提，汝若作是念，如来不以具足相故，得阿耨多罗三藐三菩提。须菩提，莫作是念：如来不以具足相故，得阿耨多罗三藐三菩提。须菩提，汝若作是念，发阿耨多罗三藐三菩提心者，说诸法断灭，莫作是念。何以故？

发阿耨多罗三藐三菩提心者，于法不说断灭相。

须菩提，若菩萨以满恒河沙等世界七宝持用布施。若复有人，知一切法无我，得成于忍，此菩萨胜前菩萨所得功德。何以故？须菩提，以诸菩萨不受福德故。须菩提白佛言：世尊，云何菩萨不受福德？须菩提，菩萨所作福德，不应贪著^(zhuó)，是故说不受福德。

须菩提，若有人言：如来若来若去、若坐若卧。是不解我所说义。何以故？如来者，无所从来，亦无所去，故名如来。

须菩提，若善男子善女人以三千大千世界碎为微尘，于意云何？是微尘众宁为多不？须菩提言：甚多，世尊。何以故？若是微尘众实

有者，佛则不说是微尘众。所以者何？佛说微尘众，即非微尘众，是名微尘众。世尊，如来所说三千大千世界，即非世界，是名世界。何以故？若世界实有者，即是一合相。如来说一合相，则非一合相，是名一合相。须菩提，一合相者，则是不可说，但凡夫之人贪着其事。


须菩提，若人言，佛说我见、人见、众生见、寿者见。须菩提，于意云何，是人解我所说义不？不也，世尊，是不解如来所说义。何以故？世尊说我见、人见、众生见、寿者见，即非我见、人见、众生见、寿者见，是名我见、人见、众生见、寿者见。须菩提，发阿耨多罗三藐三菩提心者，于一切法应如是知，如是见、如是信解，不生法相。须菩提，所言

法相者，如来说即非法相，是名法相。

须菩提，若有人以满无量阿僧祇世界七宝持用布施，若有善男子善女人发菩提心者，持于此经，乃至四句偈等，受持读诵，为人演说，其福胜彼。云何为人演说？不取于相，如如不动。何以故？一切有为法，如梦幻泡影，如露亦如电，应作如是观。

佛说是经已，长老须菩提，及诸比丘、比丘尼、优婆塞^(sè)、优婆夷，一切世间天人阿修罗，闻佛所说，皆大欢喜，信受奉行。

金剛般若波罗蜜经



释迦牟尼佛心咒：达雅塔喻牟尼牟尼玛哈牟尼耶索哈



南无释迦牟尼佛
功德：能消除十一万个劫的业障

宗喀巴大师心咒：嗡阿格日班杂达哥思玛第格德吽吽



宗喀巴大师
功德：能得诸佛如来的加持

般若摄颂

西天译经三藏朝散大夫试光禄卿明教大师臣法贤 奉诏译

卷 上

行品第一

尔时世尊。为令四众各得欢喜。说是般若
波罗蜜经使获利乐。即说伽陀曰^(qié)

所有菩萨为世间	灭除盖障烦恼垢
发净信心住寂静	当行智度彼岸行
诸江河流阎浮提	华果药草皆得润
龙王主住无热池	彼龙威力流江河
亦如佛子声闻等	说法教他方便说
乐最圣行求果报	此诸如来胜威德
云何佛说此法眼	令诸弟子如佛学
自证教他及方便	此亦佛力非自力

最上般若不可知	非心可知非菩提
如是闻已不惊怖	彼菩萨行知佛智
色受想行识皆无	不着纤尘无处所
彼若不住一切法	行无受想得菩提
菩萨若求出家智	照见五蕴无实相
知此不求于寂静	彼是菩萨之行智
复次云何智所得	照见一切法皆空
不着不惊照见时	自觉觉他诸菩萨
色受想行及识蕴	是蕴见行而不知
菩萨照见蕴皆空	行无相化不着句
无色受想行识等	不行是名无相行
若行不得最上智	无相寂静三摩地
若菩萨行自寂静	过去诸佛咸授记
身苦乐等皆不及	由知因果法本性

若行于法不可得	行如是行乃佛智
行无所行了知己	是行最上般若行
彼无所有不可得	愚痴着相谓有无
有无二法皆非实	出此了知乃菩萨
菩萨若知诸幻化	色受想行识亦然
寂静行离种种相	此名最上般若行
善友方便令知觉	使闻佛母不惊怖
恶友同行及化他	坏器盛水非坚牢
云何得名为菩萨	一切乐行皆无著
求佛菩提无所著	是故得名为菩萨
云何得名摩诃萨	得第一义众生中
断众生界诸邪见	是故得名摩诃萨
大施大慧大威德	佛乘最上而得乘
发菩提心度众生	是故得名摩诃萨

幻化四足俱胝数	多人众前悉截首
一切世界皆幻化	菩萨知已得无怖
色受想行识缠缚	知不实已不求解
行菩提心无所著	此名最上诸菩萨
云何得名为菩萨	乘大乘行度众生
大乘体相如虚空	菩萨由得安隐乐
大乘之乘不可得	乘涅槃往诸方所
行已不见如火灭	是故名为入涅槃
菩萨所行不可得	初后现在三清净
清净无畏无戏论	是行最上般若行
大智菩萨行行时	发大慈悲为众生
为已不起众生相	是行最上般若行
菩萨起念为众生	修诸苦行有苦相
是有我相众生相	此非最上般若行

知自及诸众生等	乃至诸法亦复然
生灭无二无分别	是行最上般若行
乃至所说世界等	名离一切生灭法
最上无比甘露智	是故得名为般若
菩萨如是所行行	了知方便无所求
知此法本性非实	是行最上般若行
若不住色亦无受	亦不住想亦无行
复不住识住正法	是名最上般若行

帝释品第二

(shè) (qié)
欢喜地摄布施波罗蜜伽陀

常与无常苦乐等	我及无我悉皆空
不住有为及无为	住无相行佛亦然
若求声闻缘觉等	乃至佛果亦复然
不住此忍不可得	如渡大河不见岸

若闻此法彼定得 成等正觉证涅槃

见于一切如自身 是大智者如来说

佛子当住四补特伽罗。是行大智行。一真实善法。二不退心。三应供离垢无烦恼无求。

四善友同等

大智菩萨如是行 不学声闻及缘觉

乐学如来一切智 是学非学名为学

学不受色不增减 亦复不学种种法

摄受乐学一切智 若此功德出离者

色非有智非无智 受想行识亦复尔

色性自性如虚空 平等无二无分别

妄想本性无彼岸 众生之界亦复然

虚空自性亦同然 智慧世间解亦尔

智慧无色佛所说 离一切想到彼岸

若人得离诸想已 是人语意住真如
彼人住世恒沙劫 不闻佛说众生声
众生不生本清净 是行最上般若行
佛说种种之语言 皆具最上般若义
过去佛为我受记 于未来世证菩提

持无量功德建塔品第三

无垢地摄持戒波罗蜜伽陀^(qié)

若人常受持般若 所作上应诸佛行
刀剑毒药水火等 乃至诸魔不能为
若人于佛灭度后 建七宝塔以供养
如是圆满千俱胝 佛刹恒沙等佛塔
众生无边千俱胝 以妙香华涂香等
供养三世无边劫 所有功德之数量
不及书写于佛母 诸佛由此而得生

若受持读诵供养 功德倍胜于佛塔
大明般若诸佛母 能除苦恼遍世界
所有三世十方佛 学此明咒成药王
行般若行利有情 使学大智证菩提
有为无为诸快乐 一切乐从般若生
譬如大地植诸种 得和合生种种色
五波罗蜜及菩提 皆从般若所生出
又如轮王出行时 七宝四兵为导从
若依佛母最上行 一切功德法集聚

功德品第四

发光地摄忍辱波罗蜜伽陀

帝释有疑问佛曰 恒河沙数等佛刹
佛界圆满如芥子 能受佛刹般若力
如是了知般若已 此界云何不供养

(pì)

譬如人王人所重

住般若者合亦尔

佛界般若摩尼宝

具一切德价无比

经函安处经有无

供养悉获宝功德

佛灭供养于舍利

不及供养于般若

若乐受持供养者

是人速得证解脱

首行布施波罗蜜

次戒忍进及禅定

受持善法不可坏

彼一一生一切法

如阎浮提种种树

百千俱胝无数色

虽一一树影皆别

无量影同一名摄

五波罗蜜五名异

般若波罗复一名

一切回施为菩提

一味同归菩提名

福量品第五

焰慧地摄精进波罗蜜伽陀

彼色受想行识等

菩萨观照悉无常

各各现行而不知 非法非生智者见
无色无受想行识 是法无得复无生
了知一切法皆空 是名最上般若行
如化恒沙等佛刹 诸众生证罗汉果
若能书写此般若 令他受持功德胜
如佛修行云何学 信重般若诸法空
速证声闻及缘觉 乃至无上正觉尊
世间无种不生树 枝叶华果悉无有
无佛谁指菩提心 亦无释梵声闻果
如日舒光照诸天 普使成就种种业
佛智菩提心亦然 从智生诸功德法
如无热池无龙主 即无河流阎浮提
无河华果悉不生 亦无大海种种宝
世间无佛无大智 无智功德不增长

亦无佛法诸庄严 无菩提海等等宝
譬如世间萤有光 一切萤光集一处
比日一光照世间 微尘数分不及一

随喜功德品第六

(shè)
难胜地摄定波罗蜜伽陀

所有声闻众功德 布施持戒观照行
不及菩萨发一心 随喜福蕴之少分
(zhī)
所有俱胝那由他 无边佛刹千俱胝
过去现在佛说此 法宝为断一切苦
先发最上菩提心 至成正觉及入灭
彼量所有佛功德 咸成方便波罗蜜
及彼声闻学无学 有漏无漏诸善法
菩萨等一普回施 当为世间证菩提
菩萨施已不住心 住心即名众生相

有见有念名著相	非是菩萨之回施
如是施非无相施	是法当知有灭尽
若作非法非施心	乃可得名为回施
作有相施非真施	无相回施证菩提
如上妙食杂毒药	自法着相亦如是
是故回施应当学	如佛众善悉当知
若生若相若威力	悉皆随喜而回施
以功德施佛菩提	菩萨之施皆无相
此施佛许而印可	如是得名勇猛施

地狱品第七

现前地摄智慧波罗蜜伽陀

无量盲人不见道	无一得入于城郭
<small>(quē)</small>	
修六度行阙般若	无力不能成菩提
譬如画像不画眼	因无眼界无功德

若有受行于智慧 得名有眼及有力
有为无为黑白法 如微尘等不可得
智慧观照如虚空 故名般若出世间
菩萨谛信行佛行 度那由他苦众生
如是若着众生相 此非般若最上行
菩萨若行最上行 过去未曾求大智
今闻般若如佛想 速证寂静佛菩提
过去信佛那由他 不信般若波罗蜜
或生嗔恨或诽谤 是人少智堕阿鼻
若人乐证诸佛智 不能信重诸佛母
如商入海欲求宝 返失于本而复还

清净品第八(此品摄第九叹品)

远行地摄方便波罗蜜伽陀

色清净故果清净 果色二同一切智

若一切智清净时 如虚空界不断坏
菩萨出过于三界 断尽烦恼而现生
无老病死现灭度 斯即是行般若行
世间欲色之淤泥 愚人处中如风旋
亦如鹿在屋中转 智者如禽飞虚空
若不着色无受想 亦无行识乃清净
如是离诸烦恼垢 解脱名佛大智行
菩萨如是行大智 得离诸相脱轮回
如日解脱罗睺障 光明普遍照世间
火烧草木及树林 如一切法性清净
作如是观亦非观 如是最上般若行
称赞功德品第十
不动地摄愿波罗蜜。善慧地摄力波罗蜜伽陀
帝释天主问佛言 云何菩萨行智慧

佛答微尘数蕴界 无此蕴界之菩萨
菩萨久行应可知 于俱胝佛作胜缘
新学闻此生邪疑 或不乐求而不学
又如人行深恶道 忽见边界牧牛人
心得安隐无贼怖 知去城郭而非遥
若闻最上般若已 复得乐求佛菩提
如获安隐得无怖 心超罗汉缘觉地
譬如人住观大海 先见大山大树林
见此所爱祥瑞境 必达大海知非远
菩萨若发最上心 闻此般若波罗蜜
虽未授记于佛前 此证菩提亦非远
如见春生诸草木 知有华实而非遥
若人手得此般若 得证菩提亦非远
亦如女人怀其妊 十月满足必诞生

菩萨若闻宝德藏	速成正觉之祥瑞
若行般若波罗蜜	见色非增亦非减
见法非法如法界	不求寂静即般若
行者若不思佛法	不思力足及寂静
离思非思无相行	是行最上般若行

魔品第十一

法云地摄智慧彼岸伽陀

佛告善现汝谛听	凡夫声闻缘觉地
斯即名为如来地	一切如一彼无疑
所有称赞离言说	从彼遍照如来时
乃至成所之作智	住持大金刚佛地
观察无相住虚空	应知不断佛种故
善现白佛言世尊	云何菩萨之魔事
佛言菩萨魔事多	我今为汝略宣说

有无数魔种种变	当书最上般若时
速离天宫如电灭	来于世间作魔事
或有示现乐欲说	或不听受返嗔恨
不说名姓及氏族	如是魔事咸应知
愚痴无智无方便	无根宁有枝叶等
闻般若已别求经	如弃全象返求足
如人先得百味食	或得稻饭为上味
菩萨先得般若已	弃舍乐求罗汉果
或为乐求于利养	心着族姓留种迹
舍彼正法行非法	是魔引入于邪道
若人闻此最上法	当于法师深信重
法师知魔不应着	身适悦及不适悦
复有无数种种魔	(ráo) (bì)(chú) 娆乱无数苾刍众
欲求持诵此般若	不能获得无价宝

佛母般若实难得
初心菩萨欲乐求
若十方佛而摄受
一切恶魔不能为

卷 中

现世品第十二

如母爱子子疾病
当令父母心忧恼
十方诸佛般若生
般若摄受亦复尔
过现未来三世佛
遍十方界亦复然
皆从佛母般若生
众生心行无不摄
如是世间诸如来
乃至缘觉及罗汉
(dài)
迨及般若波罗蜜
皆一味法离分别
过现大智诸菩萨
各各住此法空行
彼诸菩萨如实已
是故如来名作佛
般若园林华果盛
佛依止故甚适悦
十力诸根等净众
乃至声闻众围绕

般若波罗蜜高山 十力诸佛而依止
三涂众生悉救度 度已不起众生相
师子依山而大吼 诸兽闻已皆恐惧
人师子依般若吼 外道邪魔悉惊怖
如日千光住虚空 普照大地诸相现
法王住般若亦然 说度爱河之妙法
色无相以受无相 乃至想行亦复然
识亦如是五法同 是法无相佛佛说
起虚空见众生相 虚空无相不可得
佛说法法非相应 不说非有非无相
不思議品第十三
若如是见一切法 一切我见悉皆舍
佛行法及声闻等 皆从般若而成就
如王不行于国邑^(yì) 所有王务而自办

菩萨离相依般若	自然获佛功德法
譬喻品第十四	
若菩萨发坚固心	修行最上般若行
超过声闻缘觉地	速能证得佛菩提
如人欲渡于大海	所乘船舫忽破坏
不依草木命不全	若得依附达彼岸
若人不发坚定信心	依于般若求解脱
溺轮回海无出期	处生老死常苦恼
若有信心持般若	解有无性见真如
是人获福智有财	速证最上佛菩提
如人担水用坏器	知不坚牢速破坏
若用坚牢器盛水	而无破坏无忧怖
不见具信诸菩萨	远般若行求退堕
能发信心持般若	证大菩提超二地

未有商人欲入海	不造坚固大船舫
依坚固船无怖畏	获多珍宝到彼岸
信心菩萨亦如是	离般若行远菩提
若修最上大智行	当得无上菩提果
如百岁人复病患	是人不能自行立
若得左右扶侍者	随意行往无所怖
菩萨般若力微劣	往菩提岸不能到
兼行最上方便行	得佛菩提无挂碍

天品第十五

所有菩萨住初地	发信心行般若行
为求无上菩提故	亲近善友及智者
大智功德云何获	当从般若波罗蜜
如是一切诸佛法	功德皆从善友得
修行六度般若行	一一回施于菩提

佛蕴非有不可求	勿为初地如是说
菩萨修行功德海	救度世间无度者
求菩提意离颠倒	说最上法如电光
发于最上菩提心	不求名称不嗔恚
离蕴识界及三乘	不退不动不可取
于如是法得无碍	达甚深理离妄想
闻般若信及化他	知此菩萨住不退
彼甚深法佛难知	无有人得不可得
为利益故证菩提	此非初心众生知
众生愚痴复盲冥	乐住世间求境界
法无所住无取得	从无所住生世间
如实品第十六	
东方虚空界无边	南西北方亦如是
乃至上下及四维	无种种相无分别

过去未来及现在	一切佛法及声闻
一切如实不可得	不可得故无分别
菩萨乐求如是法	应行方便般若行
离种种相即菩提	菩萨离此无由证
如鸟能飞百由旬	折翅翼故飞无半
忉利天及阎浮人	忘失般若故自坠
难修前五波罗蜜	经多俱胝那由劫
复以广大愿资持	离方便坠声闻位
乐行佛智心平等	犹如父母观一切
当行利益及慈悲	常宣善软妙言教
不退地祥瑞品第十七 此品摄普遍光明佛地	
时须菩提瞻仰问	不退菩萨何殊胜
离言声相云何说	愿佛说彼功德藏
不住沙门婆罗门	及行十善离三涂

大智离于种种相 如山谷响声相应
若欲法无碍行化 一向善说诸言教
行住坐卧四威仪 一念观心悉通达
三业清净如白衣 不为利养故乐法
降魔境界及化他 观四禅定而不住
不求名誉无嗔恚 乃至在家尘不染
或为富贵及脱命 不染纤毫之欲尘
本来寂静无所有 更互相相业所缘
若求清净不退时 当行最上般若行
求正遍知心柔顺 不求二地离边地
为法舍命如须弥 是名不退之菩萨
空品第十八
色受想行识甚深 本来寂静而无相
如海之深杖莫测 得般若蕴亦如是

菩薩知此甚深法 住真如乘不可染
六尘十二界体空 无蕴宁有所得福
如人思彼染欲境 心着女色如目见
乃至日日心所行 菩薩思觉亦如是
若多俱胝劫布施 罗汉缘觉持戒者
不如说行般若法 百千万分不及一
若菩薩观般若理 安住说法而无相
回施一切证菩提 彼三界师无有等
所说成就而无相 非空非实不可得
若如是行名觉智 得受成就义无边
于一念知一切法 信佛所说及他说
演说俱胝那由劫 法界不增亦不减
此得名佛波罗蜜 菩薩于中而说法
如名施已心不着 亦不言证无上觉

(áng)(yé) (zǐ)
昂識天姊品第十九

譬如灯光从众缘	假以膏油芯火等
光非芯火及膏油	非火非芯光不有
或有菩萨初发心	不求无上菩提果
岂唯不得证菩提	亦复不得寂静故
从种生树及华果	无种华果悉皆无
发心不为佛菩提	修行终远菩提果
从种子生麦谷等	彼果非有亦非无
佛菩提果亦如幻	离彼有性及无性
(juān) 譬如涓滴水细微	渐次必能盈大器
初心为求无上果	久修白法终能证
行空无相无愿行	不求寂静无行相
亦如船师善济渡	不着两岸非中流
菩萨修行无所著	乃得受佛菩提记

若了菩提非所有	此即是行佛般若
譬如疾疫饥馑道	菩萨中行无怖畏
小人知己悉往来	得无苦恼如微尘
善解方便品第二十	
菩萨奉行佛般若	了知本来蕴不生
佛法众生界悉空	以空三昧起悲智
如人有德力最胜	善解一切幻化法
乃至器仗及工巧	而能一向为世间
彼人父母妻及子	游行远路多冤中
是人勇猛众所知	安乐还家无怖畏
大智菩萨为众生	安住第一三摩地
降伏四魔离二乘	亦复不求佛菩提
譬如虚空无所有	风水火地皆依住
世间众生得快乐	虚空无意住非住

菩萨住空亦如是	现于世间种种相
以众生智及愿力	非彼寂静非空故
若菩萨行大智时	住空寂静三摩地
此中不见一切相	亦复不见彼非相
菩萨行此解脱门	非求寂静非行相
如鸟飞空而往来	非住虚空非住地
亦如有人习射法	习之不住经多岁
射法久习得尽妙	一一箭发无不中
最上般若行亦尔	修习智慧及方便
直至众善悉圆满	方获最上神通力
(bì)(chú)	
若苾刍证神通力	现神变化住虚空
行住坐卧四威仪	经俱胝劫不退倦
住空菩萨亦如是	修无相行到彼岸
行种种行现世间	经俱胝劫不退倦

如人经险遇大风 二手持盖心专注
是人怖险不能行 直至无风乃前进
大智菩萨住大悲 智慧方便为二手
执空无相愿法盖 见法不住于寂静
如人求宝往宝洲 获宝安隐而还家
是人心足而快乐 岂有眷属心苦恼
诣空宝洲亦如是 获得根力禅定宝
菩萨不住欢喜心 令诸众生离苦恼
商人为利悉所经 聚落国城诸里巷
虽达宝所亦非住 大智善道而复还
大智菩萨悉了知 声闻缘觉解脱智
乃至佛智亦非住 何况行彼有为道
大智菩萨为世间 住空无相愿三昧
若得寂静无所著 乃可得知于无为

譬如人生人未识	称其名故众乃知
菩萨若行解脱门	于解脱门众知识
菩萨闻彼甚深法	而于诸根悉照明
住空无相无愿法	无退无思无授记
观于三界如梦幻	不求声闻缘觉地
如佛说法为世间	名不退地应授记
知诸众生堕三涂	发愿刹那灭恶道
以真实力灭火蕴	名不退地应授记
诸恶宿曜 ^(yào) 及鬼神	作种种疫恼世间
真实愿力悉灭除	无我能作应授记
魔业品第二十一	
我得授记非能所	是实愿力得增长
若见授记及能所	是名执著及少智
菩萨有执魔即知	现亲友相来烧恼 ^(ráo)

或作父母七代人	言汝名此佛可证
魔所现作无数相	皆云愍汝作利乐
菩萨闻已有所忻 ^(xīn)	是名少智魔所著
或住城隍及聚落	山林旷野寂静处
自称已德毁他人	应知少智为魔作
虽住城隍聚落中	不求声闻缘觉证
此心为度众生故	我说是名为菩萨
五百由旬山险深	共诸恶兽多年住
若见逼迫着我慢	若无分别知菩萨
菩萨住彼为世间	得力解脱三摩地
彼着山野寂静行	此亦知彼魔所作
虽住城隍及山野	乐佛菩提离二乘
修如是行利世间	一念如秤名菩萨
善友品第二十二	

有大智者依师学 速疾得证无上觉
亦如良医除众患 学从善友心无疑
菩萨行佛菩提行 依彼善友波罗蜜
此最上地能调伏 为二种事证菩提
过去未来十方佛 行此正道无异路
行佛菩提最上行 说波罗蜜如电光
如彼般若空无相 知诸法相亦如是
了知一切法皆空 此即名行佛般若
系着色欲及饮食 常在轮回不休息
此愚迷人所见倒 于不实法生实想
譬如得食疑有毒 以虚妄见而不食
愚人妄心生我想 以我想故有生死
亦如恒说诸烦恼 于诸烦恼不着相
烦恼清净俱无有 如是菩萨知般若

如阎浮提诸众生 皆发无上菩提心
多千俱胝劫布施 回施一切证菩提
若复有人于一日 奉行最上般若行
千俱胝施不及一 行般若功无为故
菩萨大悲行般若 度众生故不起想
恒行乞食于国城 是得一切名大智
菩萨欲度于人天 乃至三涂极苦众
皆令速到于彼岸 昼夜勤行于般若
如人欲求无价宝 必过大海诸险难
无心忽尔而获得 忧恼皆除喜无量
求菩提宝亦如是 勤行般若诸功德
得无取舍无上宝 菩萨速证于菩提

卷 下

法王品第二十三

日出光明照世间	云幻焰散黑闇灭
所有萤光及众星	乃至满月皆映蔽
菩萨住空无相愿	行于最上大智行
罗汉缘觉证皆超	一切邪见俱能破
譬如王子施财宝	自在能利诸众生
众生欢喜悉随顺	无疑当得嗣王位
菩萨勤行大智行	施甘露法利群生
一切人天悉爱乐	决定当证法王位
我品第二十四	
魔恐菩萨证法王	虽处天宫常忧恼
放火掣电现诸相	欲令菩萨生退惧
大智菩萨心不动	昼夜常观般若义
如鸟飞空心泰然	一切魔事无能为
菩萨若起嗔怒心	于昼夜分或斗争

时魔欢喜而精勤 菩萨是远于佛智
菩萨或诤或嗔怒 毗舍左鬼得其便
入彼菩萨身心中 令退菩提魔所作
菩萨授记未授记 或起嗔怒或斗诤
乃至心念皆过失 知己倍更勤修行
菩萨思念于诸佛 皆从忍辱证菩提
忏悔如说持正行 是如佛法而修学
戒品第二十五
若学戒法有作相 而于戒法不善学
知戒非戒无二相 如是乃名学佛法
若有菩萨住无相 受持不离名持戒
于佛法学乐承事 是名善学而无著
是大智者如是学 心永不生不善法
如日虚空而往来 放百千光破黑闇

若学般若住无为	能摄一切波罗蜜
六十二见身见摄	般若摄受亦复尔
譬如有人具诸根	命根灭故诸根灭
若诸菩萨行大智	亦行一切波罗蜜
声闻缘觉诸功德	大智菩萨悉皆学
虽学非住亦非求	所学之学此为义
幻化品第二十六	
若发志心而随喜	最上菩提不退行
三千须弥重无量	随喜善法重过彼
众生为求解脱法	一切随喜作福蕴
作佛功德法回施	当为世间尽诸苦
菩萨不着诸法空	了知无相无挂碍
内心亦不求觉智	是行最上波罗蜜
如虚空界无障碍	无所得故亦不有

大智菩薩亦复然	住寂静行如虚空
如有幻师作幻人	众人见幻而皆喜
幻人虽现种种相	名字身心俱不实
行般若行亦复然	为世间说证菩提
乃至种种所作事	如幻师现悉无著
佛佛化现诸佛事	所作皆无彼我相
菩萨大智行亦然	一切现行如幻化
如木匠人心善巧	一木造作种种相
菩萨大智亦复然	无著智行一切行
妙义品第二十七	
大智菩薩行如是	天人合掌恭敬礼
乃至十方佛刹中	亦得功德鬘供养
假使恒河沙佛刹	所有众生皆作魔
一一毛变无边相	不能烧动于菩萨

大智菩薩有四力 而彼四魔不能动
空行亦不舍众生 菩薩慈悲处利乐
佛母般若波罗蜜 菩薩了知深信重
内心真实而奉行 应知是行一切智
法界如实不可得 由如虚空无处所
如天宫殿应念生 亦如飞禽思果树
大智菩薩如是行 住彼寂静之功德
法不可见亦无说 菩提非得非不得
所有声闻及缘觉 修行寂静三摩地
爱乐寂静得解脱 唯佛超出于一切
菩薩依禅到彼岸 不住寂静行如空
如禽飞翔不堕地 如鱼水中行自在
菩薩若为诸众生 当求未曾有佛智
施与最上第一法 此名最上行行者

散华品第二十八

如来说戒波罗蜜	一切戒中为第一
智者欲奉一切戒	当学佛戒波罗蜜
今此法藏诸佛母	为最第一快乐所
过现未来十方佛	生此法界而无尽
一切树林华果等	皆从大地而生长
大地不厌亦不着	不减不增复不倦
佛及声闻缘觉等	天及世间安隐法
皆从般若之所生	般若无增亦无减
世间上中下众生	一切皆从无明生
因缘和合转苦身	无明无增亦无减
乃至方便诸法门	皆从般若所生出
彼方便法随缘转	般若无增亦无减
菩萨了知十二缘	乃至般若无增减

如日云中放光明 破无明障证菩提
聚集品第二十九
大菩萨修四禅定 如所爱乐而无住
或复不住于四禅 当得最上之菩提
得最般若住禅定 四无色等三摩地
为得最上大禅定 而复不学诸漏尽
此功德藏未曾有 行三摩地而无相
住彼不破于我见 有心所思生欲界
譬如南阎浮提人 未生诸天生北洲
见彼境界而求生 作彼住已而复还
菩萨所修之功德 三摩地行而相应
虽同凡夫住欲界 由如莲华不着水
菩萨度脱于众生 圆满净土波罗蜜
不求生于无色界 而求菩提波罗蜜

譬如天人获宝藏 虽得不生爱乐心
或言天人而起心 欲收彼宝不可得
大智菩萨不乐住 四禅寂静三摩地
出彼寂静三摩地 而入欲界为世间
若菩萨行三摩地 不乐罗汉及缘觉
乃至散乱凶恶心 无知迷乱无功德
色声香味触五欲 及彼缘觉声闻等
如是之法悉远离 等引不离菩提心
菩萨一向为众生 修行精进波罗蜜
由如奴仆事其主 利于众生亦如是
如仆事主心专注 虽被嗔辱而无对
凡所动止常在心 唯恐彼主责其过
菩萨为求佛菩提 如奴事主利众生
证得无上菩提已 利生如火烧草木

昼夜勤行利他行 利已内心无我相
如母爱子常卫护 寒暑虽苦心无倦
常欢喜品第三十
菩萨爱乐为众生 修治佛刹清净行
恒行精进波罗蜜 无如微尘心退倦
大智菩萨俱胝劫 久修苦行为菩提
不离精进波罗蜜 (xiè)(dài) 无懈怠心终得证
从初心为菩提 乃至得获寂静证
恒于昼夜行精进 大智菩萨应如是
有言能破于须弥 方证无上菩提果
闻已懈怠而退心 是彼菩萨之过失
大智菩萨闻是言 谓须弥卢甚微小
于一念间可破坏 亦不住证佛菩提
于身心语行精进 度脱世间作大利

或着我相起懈怠	而不能证佛菩提
无身心相无众生	离诸相住不二法
为求无上佛菩提	是行精进波罗蜜
大智菩萨行利乐	令人闻言悉欢喜
说法无说无听人	名最上忍波罗蜜
譬如宝满三千界	施佛缘觉及罗汉
不如知法忍功德	百千万分不及一
持忍菩萨得清净	三十二相到彼岸
一切众生悉爱乐	闻法信受而调伏
或有众生以栴檀 ^{(zhān)(tán)}	涂菩萨身为供养
或有持火遍烧然	行平等心无嗔喜
大智菩萨持是忍	或为缘觉及声闻
乃至世间诸众生	悉皆回向佛菩提
譬如世间贪五欲	甘忍三涂无边苦

菩萨为求佛菩提

(yì)
割截首足劓耳鼻

如是苦恼悉能忍

出法品第三十一

持戒当得高名称

持戒为利诸众生

心重缘觉及声闻

虽实持戒为菩提

欲证菩提功德法

若行毁破于尸罗

菩萨虽乐受五欲

念我当证一切智

菩萨经历俱胝劫

心乐缘觉及罗汉

今何不勤持忍辱

(fù)
禁缚捶拷诸楚毒

是住忍辱波罗蜜

亦复证得三摩地

后当证于佛菩提

及见破戒说他过

是名持戒行五欲

持戒具足行利乐

是则灭坏于菩提

归命佛法及圣众

是住尸罗波罗蜜


奉行十善无间断

是犯波罗夷重罪

持戒回向佛菩提	而不作念求自益
但念利他诸众生	是则持戒波罗蜜
菩萨若行诸佛道	于众生离种种相
不见破戒诸过患	此为最上善持戒
菩萨要离于诸相	无我无人及寿者
不着戒相及行相	是则持戒之殊胜
如是具足而持戒	一切无碍无分别
头目手足施无吝 ^(lin)	一切所爱皆无著
了知法本空无我	乃于此身无恋着
况外财物而不舍	及彼非处而嫉妒
于内外施生我慢	是菩萨病非为施
或起嫉妒生鬼趣	或得为人处贫贱
知彼众生贫贱因	菩萨发心恒布施
施如四洲草木数	如是广大亦无相

大智菩薩行施已	复念三有诸众生
菩薩亦为彼众生	悉皆回向于菩提
如是行施无所著	亦复不求于果报
名大智者为一切	施因虽少果无量
乃至三有诸众生	一切皆以尊重施
如供养佛及菩薩	缘觉声闻之功德
大智菩薩以方便	用彼施福行回向
当令一切众生类	皆悉证得无上觉
如假琉璃宝大聚	不及一真琉璃宝
回施世间一切众	不及回施无上觉
菩薩行施于世间	不作我慢无所爱
修行而得大增长	如月离障出云中
善护品第三十二	
菩薩布施济贫乏	令得富盛度苦恼


果报永灭饿鬼趣	及得断除诸烦恼
持戒远离畜生趣	舍八非念得正念
忍辱当得最上色	如金世间悉爱乐
精进善法获无边	所有功德不可尽
修行禅定离五欲	从等持得神通明
智获无边佛法藏	慧了诸法本来因
(jiù)	
佛知三界诸过咎	为转法-轮灭诸苦
菩萨此法得圆满	佛刹清净众生净
受持佛种并法种	圣众种及一切法
医世间病最上师	以智慧说菩提方
宝德藏有种种药	令众生服悉证道





红文殊菩萨

功德：开智慧，断烦恼，解脱痛苦



白文殊菩萨

文殊真实名经

元释智法师译

阿呀曼子西热纳嘛桑格帝。敬礼孺童相妙^(rú)

吉祥

复次吉祥持金刚， 难调伏中胜调伏，
勇猛超出三界内， 自在金刚密中胜。
眼如白莲妙端正， 面貌圆满若莲花，
自手执持胜金刚， 时时仰上作抛掷。
复次第现忿等像， 亦有无边持金刚，
勇猛调伏难调者， 具威猛相极怖畏。
于金刚尖出胜光， 自手向上令抛掷，
有大慈悲及智慧， 方便益生极殊胜。
具足喜乐安隐心， 示有忿怒之形象，
于行正觉行中尊， 众皆来集身恭谨，

向彼如来薄伽梵，^{(bān)(gā)(wān)} 究竟正觉敬礼已，
于前恭敬伸合掌， 端坐正念而告白：
遍主与我作饶益， 益我慈悲于我故，
如幻网中成究竟， 愿我真实获菩提！
有诸烦恼乱其心， 不解其中而没溺，
为利一切有情类， 令获无上之果故。
究竟正觉出有坏， 是有情者及导师，
亦大记句达真性， 了知根心殊胜者。
彼出有坏之智身， 是大顶旋言词主，
亦是智身自超出， 妙吉祥智勇识者，
诵彼殊胜真实名， 是甚深义广大义。
无比大义胜柔软， 初善中善及后善，
过去正觉等已说， 于未来中当演说。
现在究竟等正觉， 亦遍数数皆宣说，

大幻化网本续中， 持大金刚持密咒，
如彼无边诸佛赦，^(shè) 妙音宣畅今当说！
世尊究竟正觉等， 愿成真实持咒故，
如我决定未出间， 当勤坚固而受持！
远离烦恼令无余， 于诸谬解舍离故，
即以无别无异心， 为诸有情愿宣说！
密自在者持金刚， 向如来前说是言，
告白毕已而合掌， 以身恭敬坐其前。

(以上祝祷十六伽陀)

复次释迦出有坏， 究竟正觉两足尊，
于自面门殊胜舌， 广长横遍令舒演。
显现三种世界内， 调伏四魔诸怨敌，
有情皆具三恶趣， 为现清净微笑相。
于其清净梵音中， 遍满三种世界已，

为持金刚大力者， 密自在主而答说：
具足有大慈悲者， 汝为利益有情故，
具足智身妙吉祥， 诵真实名是大益。
能作清净除罪业， 于我精勤应谛听，
善哉吉祥持金刚， 手持金刚汝善哉。
密主我为此事故， 为汝巧妙令宣说，
汝今一心应谛听， 唯然薄伽梵善哉。

（以上答语六伽陀）

复次释迦出有坏， 一切密咒大种性，
密咒明咒持种性， 于其三种令观察。
世间及出世间性， 显作世间大种性，
殊胜广大手印种， 大种大髻^(ji)应观察。

（以上观察六种二伽陀）

言词之主演偈颂， 密咒王者具六种，

将令显出于无二， 无生法者自宣说：
阿阿额额俄俄诶诶呜呜昂阿， 萨特哆，
氏得嘉纳， 么的达热舍， 不哆不达纳纳
札呀， 哆哇德纳纳， 喻巴杂何恰地咋杂
才达， 札嘉嘉纳么达达业， 嘉纳嘎呀，
哇格需热阿热巴杂纳呀， 帝纳嘛。

（依幻化网现圆满菩提次第之三伽陀）

如是正觉出有坏， 究竟正觉阿中出，
阿者一切字中胜， 是大利益微妙字。
诸境之内出无生， 即此远离于言说，
是诸说中殊胜因， 令显一切诸言说。
大供养者是大欲， 一切有情令欢喜，
大供养者即大嗔， 一切烦恼广大怨。
大供养者是大痴， 亦愚痴心除愚痴，

大供养者即大忿， 即是忿恚之怨仇。
大供养者大贪欲， 一切贪欲皆除断，
大欲即是于大乐， 大安乐者大喜足。
大境色与广大身， 大色并及大形象，
大名及与大广大， 大中围者是广大。
持于广大智慧器， 钩烦恼钩大中胜，
普闻妙闻皆广大， 显中即是广大显。
解者执持大幻化， 大幻化中成利益，
大幻化内喜中喜， 大幻化中施幻术。
大施主中最为尊， 大持戒中持殊胜，
于大忍辱即坚固， 以大精进悉弃舍。
以大禅定住静虑， 以大智慧令持身，
具足大力大方便， 大愿胜智是大海。
大慈自性无量边， 亦是大悲胜智慧，

有大智慧具大智， 大解即是大方便。
具大神通及大力， 大力及与大速疾，
复大神通大名称， 大力令他令摧伏。
三有大山悉能坏， 持大坚固大金刚，
大紧即是大雄勇， 于大怖中施怖畏。
尊者大种即殊胜， 上师密咒大殊胜，
住在于彼大乘相， 大乘相中最殊胜。

（此金刚心大坛城十四伽陀）

广大正觉众明主， 具大寂寞大寂寞，
大密咒中令出现， 有大密咒自性理。
欲得十种到彼岸， 住于十种彼岸中，
十彼岸到是清静， 即是十种彼岸理。
尊者十地自在者， 住在于彼十地中，
具知十种之自性， 持于十种清静者。

十种义相义中义，自在寂寞十力主，
作诸利益无有遗，具有十种大自在。
离彼无垢戏论主，真如自性清净主，
言说真实不讳句，如其所说而依行。
于无二中说无二，住于真实边际中，
无我狮子具音声，外道恶兽极怖畏。
游行一切有义中，速疾犹若如来心，
胜中最胜胜怨中，于转轮者施大力。
集中之师集中胜，集王集主集自在，
执持爱护大灵验，大义不受他恩念。
句王句主能言词，句中自在句无边，
以真实句说真实，于彼四谛宣说者。
不还之中复不还，教如缘觉与独觉，
种种决定超出中，彼诸大中独一因。

比丘罗汉即漏尽，调伏诸根并离欲，
获得安乐无怖畏，成满清凉亦五浊，
明解及与于神足，世间善逝胜明解，
于我不执不执我，住于二种谛理中。
能到轮回之彼岸，所作已毕住露地，
于一智中而出现，以智慧器破一切。
法王妙法具显现，于世间中胜照明，
以法自在法中王，能演妙道令宣说。
有义成就满誓愿，舍离一切诸虚妄，
无尽法界实离妄，胜妙法界极无尽。
具大福田胜福足，智中广大殊胜智，
具足智者解有无，无二种中而积集。
诸常见中胜禅定，誓修静虑是智王，
自解各各皆不动，最上胜者持三身。

具足正觉五身性， 遍主五种智自性，
首冠庄严五觉性， 执五种眼离执着。
令诸正觉皆增长， 正觉尊子胜微妙，
胜智出有出生处， 出现法中离三有。
独一坚固金刚性， 初生已作有情主，
现空性中自超出， 胜智妙智如大火。
以大光明遍照耀， 以智慧明令显现，
是有情灯智慧炬， 具大威势显光明。
是胜咒主明咒王， 密咒王者作大益，
具大肉髻稀有顶， 大虚空主说种种。
是诸正觉胜自性， 具足有情欢喜眼，
能令增长种种相， 诸大仙等皆供赞。
令持三种之密咒， 大记句者持密咒，
尊者守护三宝故， 宣说最圣三乘法。

真胜有义之绢索，^(juàn) 是大执持金刚索，
金刚铁钩大绢索。

(此最清净法界体性智，少一句二十五伽陀)

怖畏金刚施怖畏， 金刚王者六面怖，
六眼六臂力具足， 亦具骨相咬牙者。
哈辣哈辣具百面， 是狱王主魔中王，
有力金刚能作怖， 名称金刚金刚心。
幻化金刚具大腹， 金刚中生金刚主，
是金刚心如虚空， 不动独发相严身。
所著大象生皮衣， 大紧呵呵皆哮吼，
希希声吼能作怖， 若作笑者有响笑。
金刚嘻笑大哮吼， 金刚勇识大勇识，
金刚王者大安乐， 金刚坚者大欢喜。
金刚轰者轰声吼， 器中执持金刚箭，

金刚剑断令无余， 众持金刚具金刚。
一种金刚能退敌， 炽焰金刚施恶眼，
金刚头发如焰炽， 金刚降临大降临。
具足百眼金刚眼， 身中具有金刚毛，
金刚毛者独一身， 指甲增长金刚尖。
以金刚心皮坚硬， 执金刚蔓具吉祥，
以金刚蔓^(mán)而庄严， 呵呵响笑决定吼。
具六种字金刚声， 大柔和声大音声，
三世界中独一音， 遍虚空界声哮吼，
诸有声中皆殊胜。

(此大圆镜智十伽陀)

真实无我真实性， 即是真际无有字，
宣说空性众中胜， 甚深广大声哮吼。
即是法螺具大声， 亦法鞞椎^(jiān)大音声，

超越无住圆寂性， 十方法中即大鼓。
无色有色中微妙， 具种种相意中生，
具诸相者显吉祥， 执持影相使无余。
无能过中大名称， 三界之中大自在，
住于最极圣道中， 大兴盛中之法幢。^(chúáng)
三世界中一孺童，^(rú) 长老尊者四生主，
三十二相具庄严， 三界所爱于中妙。
是世间解为胜师， 是世胜师无怖畏，
救世间尊意无私， 救中救者而无上。
尽空边际悉受用， 解一切中智慧海，
解散一切无名壳， 亦能破坏三有网。
能灭无余诸烦恼， 到彼轮回大海岸，
胜智灌顶具头冠， 真实究竟令庄严。
灭除三种诸苦恼， 灭三毒得三解脱，

决定解脱诸障难，住于如空平等中。
超越一切烦恼垢，能解三时及无时，
诸有情中即大尊，功德带中之蔓带。
诸有身中即解脱，虚孔道中真实住，
持于如意大宝珠，遍主一切宝中胜。
圆满是大如意树，胜妙净瓶大中胜，
能作有情诸利益，随顺有情而利益。
亦解善恶及时辰，遍主解记具记句，
解时及解有情根，亦能作于三解脱。
具足功德解功德，解法赞叹现吉祥，
吉祥之中最吉祥，吉祥名称善名称。
大止息中大法宴，大欢喜中大音乐，
恭敬承侍悉具足，胜喜名称性吉祥。
具胜施胜是尊者，微妙归处堪归救，

于世怨中胜中胜， 离一切怖无有余。
顶髻及髻各分朶， 头发摸搦戴头冠，
五面具有五种髻， 五髻各系花鬓带。
即是秃发大勤息， 行净梵行胜勤息，
大苦行者建苦行， 微妙净宫乔答弥。
梵婆罗门解净梵， 超圆寂时得净梵，
脱离缠缚解脱身， 解脱圆寂是圆寂。
超越悲哀灭悲哀， 微妙决定近出离，
能除苦乐之边际， 离欲身中而超越。
不可比量无与等， 非见非显非朗然，
虽往不改亦普遍， 微细无漏离种性。
无尘离尘即无垢， 离失舍除放过愆，
最极寢寤觉自性， 诸解诸明即微妙。
识心超越于法性， 持理即是无二智，

离虚妄者默然成， 修于三世正觉行。
正觉无始亦无边， 最初正觉亦无因，
独一智眼无垢染， 具足智身即如来。
以句自在广宣说， 演胜丈夫法中王，
宣陈微妙殊胜处， ^(quán) 诠说狮子无与等。
于胜观察殊胜喜， 积聚威势是入意，
炽焰光中吉祥相， 手臂光耀令显现。
殊胜大医即尊者， 能离痛刺无有上，
亦是诸药枝茂树， 对治诸病大怨仇。
入意三界中殊胜， 吉祥游宿具中围，
十方一切虚空界， 建立法幢极微妙，
游行唯一广大伞， 即具慈悲妙中围。
吉祥莲花舞自在， 广大遍主大宝伞。
具于正觉大威势， 持于一切正觉身，

是诸正觉大修习， 是诸正觉唯正法。
金刚大宝灌顶相， 诸大宝性即自在，
世间自在诸法性， 持金刚者一切王。
一切正觉即大心， 一切正觉在心中，
一切正觉之大身， 亦是一切正觉悟。
金刚日是具大明， 金刚月是无垢光，
离欲等中是大欲， 种种诸色炽焰光。
金刚^{(jiā)(fū)}跏趺正觉等， 执持真实究竟法，
吉祥正觉莲花生， 亦能摄持正觉藏。
复此种种幻化王， 广大正觉持明咒，
聪明金刚即大剑， 真实清净殊胜字。
是广大乘除苦恼， 金刚法者广大器，
金刚甚深唧那唧， 金刚智慧依义解，
诸到彼岸皆究竟， 一切地中具庄严，

真实清净无我法， 真实智月殊胜光。
广大精进幻化网， 本续一切殊胜主，
金刚座者具无余， 持于一切智慧身。
一切殊胜妙智慧， 即是心地持往复，
一切正觉之大心， 复此种种之化轮。
是一切体殊胜性， 亦持一切体自性，
即无生法种种义， 持于一切法自性。
广大智慧刹那中， 解持诸法无遗余，
现解一切诸法者， 胜持寂寞真实际。
殊胜不动自性净， 持于正觉妙菩提，
一切正觉现于前， 智火炽焰光显盛。

（此妙观察智四十二伽陀）

随乐成就微妙义， 一切恶趣悉清净，
诸有情中殊胜尊， 一切有情令无余。

烦恼敌中独勇猛，能破威猛愚痴怨，
具吉祥智而严身，执持坚固之恶相。
能令动于百种手，举步相中而作舞，
吉祥百手皆圆满，遍虚空中令作舞。
大地中围一界分，以一足跟坚踏之，
以足爪甲界内分，净梵世界尽令押。
无二一义法之义，即微妙义无怖义，
亦种种识具色义，于新意识具相续。
体义无余数欢喜，爱空之性殊胜智，
舍离三有之贪欲，三有欢喜广大者。
色貌鲜洁若白云，光明殊胜如秋月，
亦如初出妙日轮，爪如赤铜光皎洁。
头冠殊胜尖末青，胜发亦复紺青色，
大宝光明具吉祥，正觉化身庄严具。

诸百世界皆令动， 而能具彼神足力，
持于广大实性念， 四念住中静虑王。
以七觉支为花香， 即是如来功德海，
解八道支义理故， 是解真实正觉道。
于诸有情大分箸， 亦如虚空无所箸，
一切有情意中生， 速疾犹如有情意。
解诸有情根与义， 能夺有情诸心意，
亦解五蕴实性义， 清净五蕴令受持。
决定出彼诸边际， 亦能出于决定中，
向决定出道中住， 宣说一切决定出。
拔十二支三有根， 持于清净十二种，
具有四谛之义相， 解持八种之心识。
十二实义令具足， 十六实性现体解，
以二十种成菩提， 胜解一切正觉相。

一切正觉幻化身， 无边亿界令出现，
彼诸刹那现了解， 亦解刹那诸有义。
种种乘者方便理， 利益去来皆了解，
决定出于三乘者， 住在于彼一乘果。
诸烦恼界清净性， 尽能灭除诸业果，
过于一切江海中， 寂静加行中出现。
烦恼及与随烦恼， 及以习气皆弃舍，
以于大悲智方便， 于诸有情作利益。
一切想义皆弃舍， 亦令灭除心识意，
能缘一切有情心， 亦解一切有情意。
在彼一切有情心， 随顺一切有情意，
充满一切有情心， 令诸有情心欢喜。
成就究竟无错谬，
(miù)
一切谬解皆舍离，
于三义中无疑智， 诸义三种功德性。

五蕴义理三时中， 于诸刹那能分别，
一刹那中正等觉， 持于一切正觉性。
无身之身身中胜， 解了诸身之边际，
种种诸相诸处显， 大宝即是大宝首。

（此平等性智二十四伽陀）

解了一切正觉者， 正觉菩提即无上，
出密咒处无文字， 大密咒者是三种。
诸密咒义令增长， 大明点者无文字，
大空即是五种字， 空明点者六种字。
种种诸空无种种， 十六半半具明点，
亦无支分超于数， 即四静虑之初首。
了解一切静虑支， 明解静虑种族性，
具静虑身身中胜， 受用身者一切胜。
化身即是殊胜身， 持彼化现之种性，

种种化现十方中， 依法利益于有情。
自在之天天中天， 天之自在非天主，
自在无灭天之师， 作坏作坏即自在。
三有寂静令超越， 唯一师者有情师，
名称普于十方中， 施法之主广大者。
备足庄严慈铠者，^(kǎi) 以慈悯心为坚甲，
智慧如剑持弓箭， 欲离不解烦恼敌。
能降勇猛魔怨者， 兼除四种怖畏魔，
亦能退诸魔军旅， 究竟正觉救世间。
是堪供赞礼敬处， 亦是恒常承侍境，
应供咏处最殊胜，^(kān) 真堪礼敬胜上师。
一步能游三世界， 如空无边真实押，
清净三明是清净， 具六神通随六种。
菩提勇识大勇识， 大神足者超世间，

达彼智慧之实性， 亦获智慧之体性。
一切自明令他明， 殊胜丈夫于一切，
超离一切诸譬喻， 能智所智殊胜主。
尊者即是法施主， 宣说四种手印义，
有情奉施殊胜主， 决定所入三种主。
微妙义中净吉祥， 三世间中大胜福，
具足吉祥皆成办， 曼殊师利胜吉祥。

（此成所作智十五伽陀）

胜施金刚我敬礼！ 真实边际我敬礼！
出现空性我敬礼！ 正觉菩提我敬礼！
正觉^(zhù)贪箸我敬礼！ 正觉欲者我敬礼！
正觉欢喜我敬礼！ 正觉戏论我敬礼！
正觉微笑我敬礼！ 正觉笑者我敬礼！
正觉语者我敬礼！ 正觉心者我敬礼！

出现无者我敬礼！ 出现正觉我敬礼！

出现虚空我敬礼！ 出现智者我敬礼！

幻化网者我敬礼！ 正觉显论我敬礼！

一切一切我敬礼！ 彼智身者我敬礼！

（此结赞五如来五智五伽陀）

喻萨哇达嘛，阿巴哇索巴哇，不需帝
巴杂泽启，阿阿昂阿，札直的巴热需
达，萨哇达嘛呀德达，萨哇达塔嘎达，
嘉纳嘎呀曼子需热，巴日需达，达么
巴达业德，阿阿萨哇达塔嘎达，氏达
严哈热哈热，喻哄氏，巴嘎弯，嘉纳
么的哇格需热，嘛哈巴杂萨哇达嘛，
嘎嘎纳嘛啦思，巴日需达，达嘛达得
嘉纳嘎巴阿。

复次吉祥持金刚， 恳分欢喜而合掌，
如来尊者出有坏， 敬礼究竟正觉已。
复次尊者密自性， 持金刚之忿怒王，
所余种种同住处， 高声如是而白言：
尊者我等亦随喜， 善哉善哉说善哉，
为彼欲求解脱果， 有情为无救度者，
我等真实救度者， 作护菩提大利益，
宣说幻化微妙理， 此是清净微妙道，
亦是甚深极广大， 大义有情作利益，
一切正觉境界者， 诸正觉等皆已说。
出有坏妙吉祥智勇识所诵真如之真实名，
出有坏世尊如来所说已毕。

(吉祥圆满)

文殊心咒：喻阿耨巴杂哪德



五性文殊菩萨

功德：开智慧，断烦恼，解脱痛苦



释迦牟尼佛传法图

文殊真实名经的功德利益

持金刚金刚手。此妙吉祥智勇识不共真实名。是出有坏之智身，一切如来之智身。汝今应当生大欢喜。满净意乐增长无上。即能清净身语意三之密。若不能究竟不能清净地者。令到彼岸福智二足皆悉圆满令其清净。义无有上。若未解者令解。未得者令得。自此至于一切如来微妙法理真实持故。我为宣说开示显解令其摄受。

持金刚金刚手。此者我于汝种性中。及一切密咒法性摄受中。而作摄受。持金刚金刚手。此真实名者。即是一切如来最极清净。真实洁净一切智智之性。身语意三之密。亦是一切正觉菩提。即能了解真实究竟诸正觉故。亦

是无上一切如来。体解一切善逝法界。于诸胜中而能破坏一切诸魔之力。一切十力中即十力之十力。一切智智性中即一切智智之性。是诸法中之救。真实成就一切正觉。亦是一切大菩提勇识。福智二足真实究竟无垢最极清净也。亦是一切声闻缘觉出生之处。具足人天境界。是大乘之体性。出生诸菩萨行处。即一切圣道之边际也。亦是察度诸解脱道决定出生处。亦是不断如来种性。增长菩提勇识大勇识种族种性。亦能摄伏于他一切作狂敌者。破坏一切外道。退舍四魔军将之力。亦是真实摄受一切众生。决定成熟一切趣向圣果。诸净梵四宫之静虑。诸一心之禅定也。亦是调伏身语意三。精勤禅定能离一切合集。亦舍一切烦恼及随烦

恼。灭除一切障碍。解脱一切系缚。亦是解脱一切诸蕴。灭诸乱心成办一切出生处。舍离一切盛衰事。亦能关闭一切诸恶趣门。开示解脱众乐胜道。令其不入轮回之中。而能转大法轮。建立一切如来伞盖幢旗。一切妙法正法之宫。亦是菩提勇识。于密咒门而修习者速得成就。亦是了解菩萨摩訶萨精勤般若波罗蜜多之定。解了一切精勤无二戏论之空性。一切到彼岸之二足。究竟真实清净一切究竟地。各各了解诸圣四谛。一心体解一切诸法四种念住。

此真实名者。乃至一切正觉功德。能作真实究竟也。持金刚金刚手。此真实名者。能灭有情身语意三之行无余罪业。亦能清净一切有情诸恶趣类。令其退舍一切恶趣。真实断除一

切业障无有遗余。能生一切相续八难者令其不生。能灭八种怖畏。能破一切恶梦。决定能尽一切恶相。能灭一切恶见及诸恶魔。亦能远离一切怨魔之行。增长一切福善。亦能除灭诸恶觉观令其不生。破灭一切^(jiào)憍慢威勇我执。不生一切苦恼忧愁。亦是一切如来之心。诸菩萨之密。一切声闻缘觉之大密。一切密咒及其手印。真实增长诸不可说念及正念。增长无上善巧智。亦能具足无患诸力自在。亦能增长吉祥柔善微妙。名称善说偈赞叹美。亦能真实除灭一切病患广大怖畏。亦是极清净中最极清净。极能作清净中最极能作清净。极成办中最极成办。极吉祥中最极吉祥。诸欲归依者为作归依。欲宫殿者为作宫殿。欲拥护者为作拥护。

欲亲军将者为作军将。欲洲渚者为作洲渚。^(zhǔ)欲依仗者为作无上依仗。欲过三有大海者为作舟船。亦是除灭一切病苦之药王。分别取舍之决智。摧诸恶见大闇之明智。能满一切有情誓愿。如摩尼宝珠。亦能获得妙吉祥智身一切智智之性。令得五眼见清净智。亦是财施法施无畏施真实舍故。令六波罗蜜而得圆满。亦是福慧二足及诸静虑。令究竟故能得十地。亦能舍离二边故。即无二法性非余法性。^(qǐ)无绮饰故即是真实自性。亦是如来清净智自性故。即真实边际之自性。亦能除灭百千恶见丛林故。即一切如来真空之自性。

此真实名者。即是无二法性义之真实名。若有诵持演说者。是一切法不可说之自性也。

持金刚金刚手。若有善男子善女人。依密咒门修习者。于此出有坏妙吉祥智勇识。一切如来智身无二真如之真实名。是顶髻之珠者。文字句义一切通彻。无有遗犯亦无增减。每日三时若持若诵若读若说。思惟义理依时为他解脱。时各各应想妙吉祥智勇识身。向诸门中令心止处。于爱乐实性门中诚实作想。了解一切殊胜法智慧无浊。信心具足相续系念一心禅定者。彼诸三世及无始世。一切正觉菩提勇识等皆来集会。得解一切法并现其身。一切正觉菩提勇识。以身语意三业与自种性真实摄受。一切正觉菩提勇识。将诸利益而作饶益。能得一切法中无怖无畏辩说无碍。复有一切诸阿罗汉声闻缘觉摄持。圣法心中亦皆现身。复有调伏一切

诸恶大金刚王及持大金刚等。为护诸有情故将变化身现种种形令其精神威势无能摄伏。能成一切密咒手印记句中围无余。密咒明咒王。并频那夜迦诸恶魔怨。并诸退坏一切他不能者及大母等。于其昼夜各刹那时。诸威仪中潜伏其身为作救护。复有净梵帝释并释近臣。大力摧伏如伏婴童。及大自在种族猫子大黑。作戏自在狱主水神。孤屏啰鬼子母等。拥护十方世界者恒常相续。若昼若夜若行若住。若坐若卧若睡若觉。入定出定独住在众。潜伏其身为作救护。或住村邑聚落川原。国界王宫门限门楼。大路小路四达三^(lì)。村中店舍空舍。山^(sǒu)藪江川丛林大丛林。若不作净昏醉放逸之处。恒常一切门中昼夜潜伏殊胜救护成胜妙乐。更复天龙

施碍乾闥婆阿修罗迦楼罗紧那罗摩睺罗伽人非
人等众曜游宿。^(yào)及诸天母集主七母诸施碍母并
食肉母。此合集一心一意。并诸军将眷属杂
使。能为一切潜伏救护。增长精神具足色力。
威势殊胜无病延寿。持金刚金刚手。

此真实名顶髻珠者。若起誓愿日日三时。
无遗念诵三遍书写令读。时想念出有坏妙吉祥
智勇识身。与此相同而作禅定者。以此利益故
不经多时。即妙吉祥变化于像令其得见。亦见
尽虚空界所处者。一切正觉菩提勇识。种种身
相大有情者。于何时分依何所作。不堕地狱趣
不生恶道中。不生恶种姓不生边地下贱。亦得
诸根具足不作邪见。亦不生邪见家。不生无佛
国中。生值佛国时不舍正法亦不远离。不生长

寿夭中不生饥馑疫疾刀兵等劫。不生五浊恶世
不遭王怖恐怖贼怖。于世世中不逢下劣贫穷之
怖。不值秽气毁谤轻贱恶名恶语之怖畏。恒常
得生本性高贵胜族中。能成一切端严胜相颜色
美妙。于诸世人皆悉爱乐可意。若与相随情和
悦乐见者欢喜。于诸人中端正严好。具大福相
发言无滞^(zhi)。随所生处得宿命智。受用广大多诸
部从。所受无尽眷属无尽。于有情中最极殊
胜。亦复具足殊胜功能。自然具足六波罗蜜。
所有功德经于净梵四宫。具足念及正念方便愿
力智。亦是一切诸数义中。得无怖畏及能言
说。无有愚痴句句显了。成大聪慧具有广解。
无懈怠心少欲知足。利益广大情无爱着。

即是一切有情殊胜所信之处。亦成恭敬师

及上师。此人先所未闻工巧技艺神通一切教法。若文若义皆悉解了。戒及活命。最极诸行最极清净微妙。出家及成近圆。不令忘失一切智智性大菩提心。决定不入声闻罗汉缘觉乘中。持金刚金刚手。如是具足无量功德。亦有如是无量无边广大功德。

持金刚金刚手。诵此真如真实名者。即是真实执持微妙丈夫者。聚集微妙福慧具足。一切正觉功德最极。速疾求故不经多时。能成真实究竟无上菩提。于多劫中不入涅槃。为诸有情中多现无上妙法。十方世界中^(quán) 詮演妙法。大鼓之声相续不尽。其声^(xiào) 哮吼为大法王。

大回向偈

愿以此功德，普及于一切。

我等与众生，皆共成佛道。

大恩上师，法体安康。


永久住世，常转法轮。

六道众生，离苦得乐。

佛法恒住世，功德日增长。

灾难悉消除，世界永和平。

事业永昌隆，心愿如意成。



陀乐寺简介

莲台之上的陀乐寺

青海省海南藏族自治州贵南县境内，穆桂滩、巴乐格滩、都滩三大草原间的盆地里，坐落着中国藏传佛教格鲁派著名寺院陀乐(托勒)寺。陀乐寺四周大山环抱，面朝百官朝拜山，后依白龙山，左扶龙山，右搭凤凰山；周边有乌龟山、孔雀山、大象山、八吉祥山、佛手山等小山似莲瓣围绕，而寺院则正坐落在中部隆起如莲台之山上，又宛若佛掌托起的瑰宝，镶嵌在群山碧水之间。寺院南临茫拉河，茫拉河水自南向北蜿蜒流淌；北濒黄河，黄河水由西向东滚滚流过。寺院东北还有三处圣湖，如繁星点点落入人间。河水如玉带，圣湖似带珠，护佑着这一藏传佛教圣地。

陀乐寺由金刚手菩萨化身旦珍诺日大师始建于1916年。大师为建寺念诵“六字真言”六亿遍，并念《吉祥经》加持寺院。1927年大师圆寂，往生成为香巴拉净土第21世法王，名号无灭法王。直到今日，寺院僧众及所属信众们仍得到法王不断加持。2004年，陀乐寺在阿旺嘉措金刚上师的主持下，开始重建。陀乐寺严格的戒法，吸引越来越多的僧人加入。此处虽然是格鲁派寺院，但宁玛派、噶举派、萨迦派、觉囊派等各派别的僧众也纷纷聚集到此处来修学，大家互相切磋，和睦相处。^(cuō)

关于寺院的缘起，历代圣者们有很多授记。例如前西藏摄政王热振活佛于1935年4月15日在布达拉宫饮用酸奶后把瓷碗里外翻转并授记，陀乐寺将是与西藏甘丹寺、哲蚌寺和色拉寺鼎足齐名的藏传佛教文化圣地，为十方信众

依怙之地，极盛时期僧众将达 5500 人，并将僧帽与阎罗法王帔肩留以佐证。

藏汉融合的陀乐寺

陀乐寺现在所在的地方叫加日岗（汉语意思为汉人集中的地方），地方的缘起即是寓意藏汉的融合。

陀乐寺 1916 年刚开始建寺的时候，供养建寺的钱是藏汉两地的信众出的。当时建陀乐寺的有五个村，五个村里面，藏民有 200 多家，汉人有 400 多家，近七百家藏汉两地信众一起建起了陀乐寺。“文革”期间，陀乐寺被毁坏了。1981 年依根活佛重建陀乐寺，1984 年依根活佛将建在黄河边的陀乐寺搬迁到现在的位置上。当年重建陀乐寺的时候，也是藏汉两地信众一起供养重建的。阿旺嘉措金刚上师 2004

年开始建的新大雄宝殿、护法殿等，依然是藏汉两地信众一起供养建造的。因为这个缘起，陀乐寺很多方面都体现了藏汉融合的特点。

陀乐寺的大雄宝殿及护法殿的建筑充分体现了藏汉文化的圆融及和谐。比如大雄宝殿的石柱和龙柱，代表了汉文化；寺院门口的弥勒佛和辩经院里的唐卡上的济公，玄奘法师，达摩祖师，大雄宝殿里的汉式十六罗汉，都和谐地体现了汉显佛教文化。同时藏经阁内珍存有弘一法师全集。

法会方面的藏汉融合。陀乐寺开光时由藏传、汉传、南传的高僧一起开光；每年的埋宝法会——这是为国泰民安祈福的法会，也是藏汉两地的信众共同参加，一起祈祷念经，体现了藏汉佛教僧俗信众的和谐相处。

珍藏佛宝的陀乐寺

陀乐寺地处空行佛母圣地，此处历来多有空行佛母与得道高僧化度事迹和往来行踪。因此，寺院每月十日和二十五日都会进行空行佛母会供法会。此区域僧俗信众去世后往生空行佛母净土和极乐世界的不胜枚举。

在陀乐寺内藏有很多神奇的佛像和唐卡。有三尊藏有宗喀巴大师肉身舍利的宗喀巴大师佛像。有一尊面部表情经常变化的寺院旦尖护法神像。

陀乐寺大雄宝殿，金黄色外墙，异常雄伟壮观，殿里供奉着极其殊胜的甘露文殊、药师佛、宗喀巴大师等九位佛菩萨的佛像，十分庄严；还供奉有十六罗汉和二十一尊度母。护法殿里，供奉着护法神旦尖多杰乐巴；在寺院的西侧，矗立着八大佛塔；密宗院，是陀乐寺

僧人们修学密宗之地。密宗院里面有一尊观音像，约有两尺高，这个观音像里面装藏着释迦牟尼佛成佛时菩提树下的一根树枝——“金刚树枝”。

佛经：陀乐寺珍藏有金卷《般若经》、贾措杰（宗喀巴两大弟子之一）亲手抄写的几章佛经、阿旺嘉措金刚上师家族传承的金字《大般若经》。

舍利：陀乐寺珍藏有释迦摩尼佛舍利、无著菩萨骨舍利、目犍连尊者骨舍利等稀世珍藏。

珍宝：文殊宝石等。

唐卡：陀乐寺所有壁画均为寺院喇嘛亲笔所画，寺院内唐卡都是最有名望的唐卡画师亲笔所绘，堪称藏传佛教文化瑰宝。

甘露丸：陀乐寺甘露丸是收集陀乐寺佛像所降甘露、众多藏药及上师加持物和合而

成，并经全寺喇嘛日夜诵经加持。所有前来陀乐寺朝拜的信众无论贫富贵贱，都可以请到甘露丸。

培养僧才的陀乐寺

陀乐寺僧才培养注重经论学习与实修相结合。现在陀乐寺常住僧众 400 余人，还有许多来往僧人。自 1994 年阿旺嘉措金刚上师主持寺院以来，上师不辞劳累讲授五部大论、三士道、密宗四续等，僧团日日诵经、辩论、实修。现上师已培养出数批年轻的佛学格西（佛学博士学位）。上师谆谆善导，僧团刻苦学修，僧众才华横溢。如今寺院僧众闻思修、讲辩著皆呈现兴隆昌盛之气象。自 2002 年以来，寺院每年与青海拉加大寺和石藏大寺共同主办“安多大法会”及与海南州共同举办“辩经法会”，

均获第一名称号，赢得了高僧大德及社会各界人士的高度赞扬。


陀乐寺现今已从喇嘛中培养出 30 多名讲经法师，许多僧俗信众拜他们为师。在修行方面，寺院僧众一直坚持每年三个月闭关修行。寺院僧众质朴善良，清净庄严，品德高尚，举止文雅。他们不畏艰辛，精勤闻思修，庄严持戒律。

多年来阿旺嘉措金刚上师弘法足迹遍及国内外，弟子众多。上至达官贵人，下至贫苦百姓，每位弟子，无论藏汉，上师无不一视同仁，关爱有加。2009 年，阿旺嘉措金刚上师作为藏传佛教高僧杰出代表，参加了澳门回归十周年纪念法会，为澳门祈福并为现场数万信众摩顶加持。

如今的陀乐寺正处于发展建设之中，应阿

旺嘉措金刚上师弘法利生的大愿和日益增长的僧团修学以及迅速增长的庞大信众朝圣需求，寺院的基础建设在不断地加紧进行。在未来几年里，陀乐寺将陆续建弥勒殿、度母殿、两个护法殿、不动如来佛殿、图书馆、佛学院、僧舍、一百个塔、玛尼经轮路等建筑，相信在十方信众的护持下，不久的将来，陀乐寺将以全新的面貌展示在十方信众面前。

愿众生远离苦海，永得安康！



印经造像的十大功德利益

- 一、从前所作种种罪过，轻者立即消灭，重者亦得转轻。
- 二、常得吉神拥护，一切瘟疫、水火、盗贼、刀兵、牢狱之灾，悉皆不受。
- 三、夙世怨对，咸蒙法益，而得解脱，永免寻仇报复之苦。
- 四、夜叉恶鬼，不能侵犯，毒蛇饿虎，不能危害。
- 五、心得安慰，日无险事，夜无恶梦，颜色光泽，气力充盛，所作吉利。
- 六、至心奉法，虽无希求，自然衣食丰足，家庭和睦，福禄绵长。
- 七、所言所行，人天欢喜，所到之处，常为多众倾诚爱戴，恭敬礼拜。

- 八、愚者转智，病者转健，困者转亨，厌女身者，报谢之日，捷转男身。
- 九、永离恶道，受生善处，相貌端正，天资卓越，福禄殊胜。
- 十、能为一切众生，种植善根；以众生心，做大福田，获无量胜果。所生之处，常得见佛闻法，直到三慧宏开，六通亲证，速得成佛。

印造经像，既有如此殊胜功德，故凡遇到祝寿、贺喜、免灾、祈求、忏悔、超荐之时，皆宜欢喜施舍，努力行之。